

iculo sus, quo callidiorē arte fermento Pharisæico, & pietatis fucō magis involutum Fidelibus propinatur: Illud laudari Operis Tomus hic tertius, uti & uterque prior Ecclesiæ detegit, ac tam dilucidè lectori cuilibet ponit ob oculos, tam potenti destruit antidoto, desumpto ex Sacris literis, Sanctis Patribus, Oecumenicis Conciliis, & definitionibus Pontificum, ut nemini in posterum nisi spontè sibi interitum consciscere volenti, nefandæ virus hæreseos Jansenianæ valeat nocere. Tomus hic tertius Testamentum vetus, ejusque Duces, & Doctores Sanctissimos Moysen, Prophetas, Sacerdotes à calumniis vindicat, uti & saluberrimum Dei, æternorumque suppliciorum timore à blasphemis, quibus eos irreligiosa Quæsnelli maledicentia conspurcare moliebatur. Illic perniciofa refellitur temeritas, ita viam salutis abbrevians, ut totum salutis negotium fide, & precibus concludat. Illic stabiliuntur vera nostra, & propria per gratiam merita, ita ut non omnis usus, augmentum, & præmium fidei, sit donum puræ, seu meræ liberalitatis Dei. Illic altera à Sanctorum afflictionibus avertitur contumelia, quas non immitti semper ad puniendum peccatum, vel purificandum peccatorem; sed ad fines sæpè nobiliores, universa credit Ecclesiæ. Ibi diffingitur exitialis machina Novatorum, qua arrogare sibi præsumunt potestatem ob sui conservationem dispensandi se à lege qualibet; quam Deus ob hominis condidit utilitatem. Illic ostenditur neque Ecclesiam acephalam esse, seu gregem sine Pastoribus, neque à partium, & membrorum etiam præcipuorum numero rescissos esse quoslibet peccatores. Cui veritati opposita novitas summam in Ecclesiæ regimen inveheret perturbationem, unde & præberetur dissolutionem amantibus occasio, ut omnis abrogaretur obedientia superioribus, quos peccato censerent obnoxios, quales Jansenistarum opinione omnes sunt, qui eorum novitatibus adversantur. Eodem Tomo Regulis Tridentini Indicis, Quartæ potissimum Novatoribus odiosæ, sua firmatur autoritas, & præsens Ecclesiæ tum in administrando Pœnitentiæ Sacramento, tum in Divinis Officiis Disciplina stabilitur; uti & excommunicandi potestas Ecclesiæ Pastoribus concessa, itaut in sui exercitio minimè pendeat à totius corporis consensu sive subsistente, sive præsumpto. Denique rectè subvertitur exitialis Jansenistarum regula ad omnes Ecclesiæ excommunicationes obtentu injustitiæ eludendas subdolè excogitata.

Quapropter ardentissimè desideramus, ut saluberrimum hoc opus legant Filii obedientiæ, qui Matrem suam Ecclesiam imitati, Constitutionem illam amplecti non dubitarunt. Illic obedientiam suam videbunt, non tantum columnâ, & firmamento veritatis inniti; sed & vinculo agnitæ veritatis constringi, confirmarique. Si Filii Babylonis etiam non dedignentur hoc Opus consulere, pudebit ipsos ulterius contra stimulum calcitrare, & explicationibus variis partim Constitutionis sensum aliè detorquentibus, partim inutilibus, inconstitem Christi tunicam conscindere, ac denique nisi agnitam veritatem impugnare fixum ipsis animo sedeat, requiescet super ipsos Spiritus unionis, & orietur abundantia pacis super Israel. Fiat: Fiat.

Datum Brugis in Palatio nostro Episcopali die 8. Aprilis anno 1721.

Henricus Josephus Episcopus Brugensis.

A P P R O B A T I O

Illustrissimi, ac Reverendissimi Domini

JOANNIS BAPTISTÆ DE SMET

Dei, & Apostolica Sedis gratia Episcopi Iprensis &c.

Opus, cui Titulus, *Constitutio UNIGENITUS Theologicè propugnata &c.* nunc tertio Tomo auctum, duobus prioribus apud Catholicos honos omnes debitam laudem, id est summam pridem est assecutum, uberes fructus in Ecclesia Dei peperit, quotidie parit magnos, promittit maximos. Æquali commendatione, in lucem prodit hic Tomus tertius. Nihil in eo occurrit, quod Doctrinæ Catholicæ, aut bonis moribus adverteretur, sed Authoris absoluta in hac materia eruditio duratis laboribus comparata, cui parem nemo publicam fecit. Accedit in detegendis pessimæ hujus hæreseos fraudibus

con-